



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Tarasius Ep. 25. Februarii.

urn:nbn:de:hbz:466:1-44055

Magnum deinde fecit populi concurrentis furor. Ornarunt præ reliquis testes duo mendaces iidemque carnifex, ut qui primi MATTHIAM lapidibus petierunt. Hos ille velut acclamantium symbola accepit, velutique triumphi sui decora tumulo secum inferri præcepit. Denique ut integer suus pompæ honor constaret, secures, quæ præferri alias solebant, ipse triumphator tulit. Ex Ioach. Periconio.

Primum adeptus est gentium S. Matthias, quia prius sibi didicit principari. Sic namque ad veri honoris consenditur cathedram, ut antè quis sibi, deinde dominetur &c ceteris. Nunquam aliis bene præerit, qui sibi extiterit nequam. B. Laur. Just. ser. de S. Matth.

S. TARASIUS EP. 25. Februario.

Per gradus honorum, ex quibus alii præcipites ire solent, ad astra TARASIUS evasit. Consul principiò, tum inter eos, qui ab arcanis literis Imperatoribus erant, Princeps; demum Archiepiscopus Constantinopolitanus insulam, quam alii gemmis ornant, ipse virtutibus ornavit. Has inter easque multas & pulcherrimas potissimum emicabat animi demissio, quâ TARASIVS pauperibus, quos multos & alebat & vestiebat, quotidie cibos ex suâ mensâ submittebat, ipse carptor & persæpe (sub festa Paschalia præcipue) ipse dapifer. Atque hâc ille virtute tantum abest, ut auctoritatem suam, quâ erat, imminutum iret, ut talis etiam Imperatoribus fuerit formidandus. Supplicem certè ad Aram, quem regiæ cohortes per vim astrinxerant, reddi sibi suus ipse Fecialis fecit. Constantino Imperatori, auctore amore vago, repudium meditanti facientique unus ferè sese oppo-
suit,

suit, purpuramque purpuræ, coronam coronæ, sceptroque augustius pedum objicere non dubitavit. Quid? quod vel mortuus vivo Leoni Imperatori terrori fuit. Cum enim hic nomine etiam suo crudelior templo passim, & in his imagines Dei Divorumque vastaret, somniavit TARASII imperio, à nescio quo Michaële se confossum. Et risit forte mortem, cum vigil vivere se vidit; sed die sexto à Michaële Balbo confossum potuit de-hinc sine superstitione somniis credere. Ex Surio.

Heu quam lamentandæ vices, quando desperati apud homines possidebunt spem divinam; & humanis bonis prædicti bonis cœlestibus fraudabuntur: & hoc facit thesaurus, qui cor hominis aut per eleemosynam levat in cœlum, aut per avaritiam demergit in terram. S. Pet. Chrys. serm. 22.

S. PORPHYRIUS EP. 26. Februarie.

PORPHYRIVS Hierosolymæ æger quotidie loca sacra cum pedibus non posset, genibus obambulabat, expeditissimam viam ad cœlum credens, Christi vestigia. Et fuit cum ad pedem Calvariæ montis triste oculis spectaculū, jucundum tamen animo objectum est, Christus cruci affixus, & ponè felicior è geminis latro. Igitur cum latronis verbis etiam PORPHYRIVS Servatorem compellasset, jussit hic descendere latronem è cruce, & opem ægro ferre. Descendit, osculum tulit, manuque peramanter prehensum ad Christum, ut secum itaret, invitavit. Interea properanti obvius ipse in amplexum Servator ruit, jussitque dulce onus crucem suam ferre. Tulit lubens & verò laboris premium sanitatem abstulit. Proinde sacris initatus PORPHYRIVS, & custodiæ sanctissima Crucis